



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 18 (13.865)

Баҳоси эркин нарҳда

ИСТИҚБОЛЛИ ЛОЙИҲАЛАР, ЯНГИ ТАШАББУС ВА ҒОЯЛАР ХАЛҚИМИЗ ФАРОВОНЛИГИНИНГ АСОСИДИР

Ўзбекистон Республикаси Президенти Шавкат Мирзиёев жойларда ижтимоий-иқтисодий ислохотларнинг бориши, амалга оширилаётган бунёдкорлик ишлари, йирик лойиҳалар билан танишиш мақсадида 30 январь куни Жиззах вилоятига келди.

Халқимиз давлатимиз раҳбарининг вилоятларга ташрифини алоҳида қизиқиш билан кузатиб боради. Зеро, бу каби ташрифлар чоғида оддий одамлар дилидаги гаплар айтилади, ҳаётий муаммоларга ечим топилади, янги ташаббуслар, ғоялар амалга ошишига тurtки берилади.

Президентимизнинг Жиззах вилоятига бу галги ташрифи ҳам ана шундай кўтаринки руҳда бошланди.

Шавкат Мирзиёев дастлаб Фориш туманида атом электр станциясини қуриш учун муҳандислик тадқиқотлари олиб борилаётган майдонлардан бирини кўздан кечирди.

Маълумки, тинч мақсадларда фойдаланиш учун мамлакатимизда илк бор атом электр станциясини қурилиши режалаштирилган. Ўзбекистон Республикаси Президентининг фармониға мувофиқ, Вазирлар Маҳкамаси ҳузурида Атом энергетикасини ривожлантириш агентлиги ташкил этилган. Хорижий лойиҳалар сони ва кўлими бўйича жаҳонда биринчи ўринда турадиган "Росатом" корпорацияси билан келишувга эришилган.

Ушбу станция ҳар бири 1 минг 200 мегаватт қувватга эга иккита, "3+" авлодиға мансуб энг замонавий ва хавфсиз энергия блокидан иборат бўлади. Улар Халқаро атом энергияси агентлигининг барча хавфсизлик талабларига жавоб беради.

Атом электр станциясининг ишга туширилиши натижасида миллиардлаб куб метр табиий газ иқтисод қилинади, атмосфераға карбонат ангидрид чиқарилиши йилиға 14 миллион тоннаға, азот оксидлари чиқарилиши 36 минг тоннаға камаяди. Атом энергияси экологик тоза бўлиб, ис гази ҳосил қилмайди.

Президентимиз тадқиқот ишларининг бориши билан қизиқди, "Узатом" агентлиги ва "Росатом" корпорацияси раҳбарлари билан суҳбатлашди.

Бу улкан лойиҳа Россия билан стратегик шериклигимизнинг янги йўналиши. Мамлакатимиз санаят ривожлантириш, аҳоли сони ўсаяпти. Ҳали олдинда яна катта режаларимиз бор. Булар учун барқарор энергия таъминоти керак. Атом электр станцияси энергия манбалари чекланган шароитда ана шундай имконият яратди, иқтисодиётни ривожлантиришға, одамларни иш билан таъминлашға хизмат қилади, деди давлатимиз раҳбари.

Атом электр станциясини аниқ ҳисоб-китоб ва пухта тайёргарлик билан барпо этиш, шундай иншоотлар

қурилишиға оид хорижий тажрибани ўрганиш зарурлиги таъкидланди.

Бизнинг атом электр станциямиз бошқаларидан яхши, сифатли ва хавфсиз бўлиши керак, деди Шавкат Мирзиёев.

Ушбу соҳаға иқтисослашган кадрлар тайёрлаш борасидаги ишлар ҳақида ҳам маълумот берилди. Ҳозирги кунда ўзбекистонлик 30 нафар талаба "Москва муҳандислик-физика институти" миллий тадқиқот ядро университетида таълим олмоқда. Мазкур билим юртининг Тошкентда ташкил этилаётган филиали келгуси ўқув йилидан илк талабаларни қабул қилади. Бу ёшлар юқори малакали мутахассис бўлиб етишади ва атом электр станциясининг хавфсиз ишлашини таъминлайди.

Шу ерда Жиззах вилоятининг минерал хомашё базасини кенгайтириш, Фориш туманини ижтимоий-иқтисодий ривожлантириш, туризм салоҳияти ва лалми ерлардан самарали фойдаланишға қаратилган лойиҳалар тақдимоти ўтказилди.

Фориш – имкониятлари бўйича энг бой туманлардан бири. Лекин ҳозир бошқа ҳудудлардан бироз орқада. Бу ернинг қишлоқ ҳўжалиги, геология, қайта ишлаш соҳаларидаги имкониятларидан тўғри фойдаланилса, туман иқтисодиётини бир неча баробар юксалтириш мумкин, деди Президент.

Масалан, Жиззах вилоятида базальт, рух, кўрғошин, цемент, гипс, кварц, пардозбоп тошлар каби табиий бойликлар кўп. Геологик ва иқтисодий таҳлиллар асосида уларни қайта ишлашни ташкил этиш, маҳаллий бюджетға катта даромад келтириши ва аҳолини иш билан таъминлаш мумкинлиги таъкидланди. Бунинг учун "Жиззах" эркин иқтисодий зонаси имкониятларидан фойдаланиш, тадбиркорларға кенг йўл бериш кераклиги қайд этилди.

Яна бир катта имконият – Фориш тумани ҳудудининг кенглигидир. Аввалги ташриф чоғида берилган топшириққа асосан бу ерда сувни тўплаш ва ундан тежаб фойдаланишға қаратилган ишлар амалға оширилди. Натижада туманда қўшимча 50 минг гектар суғориладиган ер пайдо бўлди. Президентимиз бу жойлар илгари фойдаланилмаган ҳосилдор тупроқ эканини таъкидлаб, унга талаб юқори маҳсулотлар экиш, аҳоли даромадини кўпайтириш бўйича кўрсатмалар берди.

Шунингдек, вилоятдаги сув ҳавзаларида балиқ етиштиришни кўпайтириш, чўл туманларда чорвачиликни ривожлантириш, сут ва жунни қайта ишлаш корхоналари ташкил этиш зарурлиги таъкидланди.

Давлатимиз раҳбари жиззахлик нуронийлар билан мулоқот қилди.

Суҳбатда мамлакатимиз иқтисодиётини таркибий ўзгартириш, аҳоли турмуш даражасини юксалтириш мақсадида амалға оширилаётган ишлар ҳақида сўз борди.

Юртимизнинг ҳамма жойларида янги заводлар, уй-жойлар, мактаблар қуриляпти. Халқимизнинг яшаш шароити, талаблари ҳам ўсиб бораёпти. Бу эҳтиёжлар учун ҳозирча табиий бойликларимиздан фойдаланяпмиз, лекин уларнинг захираси чексиз эмас. Шунинг учун муқобил энергия манбаларини яратишимиз зарур, деди Шавкат Мирзиёев.

Ушбу атом электр станциясини қуришда барча халқаро талабларға қатъий риоя қилиниши, бундай станциялардан кўплаб мамлакатларда кенг фойдаланилаётгани қайд этилди.

Биз бу лойиҳанинг хавфсизлиги, иқтисодий зарурлигиға ишончимиз комил бўлгани учун қуришға киришдик. Эртанги кунни ўйлаб иш тутмасак, ривожланишдан орқада қолиб кетамиз, деб таъкидлади Президентимиз.

Президентимиз тумандаги базальт тошини қайта ишлаб, базальт толаси ва арматураси ишлаб чиқаришға иқтисослаштирилган "Mega Invest Industrial" қўшма корхонаси фаолияти билан танишди.

2017 йил декабрда иш бошлаган корхона фаолияти 3 босқичда йўлга қўйилди. Айни пайтда биринчи ва иккинчи босқичлар ишга туширилган. Бунинг учун Буюк Британиянинг "Leigh Barrier" компаниясининг 11 миллион доллар ҳамда тижорат банкининг 26 миллион доллар кредит маблағи йўналтирилди. Германия, Франция, Италия, Россия, Туркия каби давлатлардан замонавий ноу-хау технологиялари келтириб ўрнатилди. Натижада 225 нафар аҳолининг бандлиги таъминланди. 2018 йилда бу ерда минг тонна базальт арматураси ва сеткалар ишлаб чиқарилди. Корхона тўлиқ қувват билан ишлаб бошлагач, йилиға 4 минг тонна базальт толаси ва 4800 тонна арматура тайёрланади.

(Давоми 2-бетда)

ДАВЛАТ-ХУСУСИЙ ШЕРИКЛИК ТИЗИМИДА ДУНЁ ТАЖРИБАСИ ЎРГАНИЛМОҚДА

Пойтахтимизда Ўзбекистон Республикаси Молия вазирлиги ҳузуридаги Давлат-хусусий шерикликни ривожлантириш агентлиги Халқаро молия корпорацияси (IFC) ва Швейцариянинг мамлакатимиздаги элчихонаси билан ҳамкорликда семинар ўтказди.

Тизимли равишда ўтказилаётган бу галги тадбирда соғлиқни сақлаш соҳасида давлат-хусусий шерикликни ривожлантиришнинг ўзига хос хусусиятлари муҳокама қилинди.

Унда сўзға чиққанлар давлат-хусусий шериклик узоқ муддатли ўзаро ҳамкорликка асосланган жамият инфратузилмасини ривожлантириш усулларидан бири ҳисобланишини қайд этди. Бунда хусусий сектор вакиллари нафақат инфратузилма объектини лойиҳалаштириш, молиялаштириш, қуриш, реконструкция қилиш, балки ундан келгусида фойдаланиш ва техник хизмат кўрсатишда ҳам иштирок этишини таъкидлади.

Келгусида давлат-хусусий шериклиги бир қатор соҳаларда татбиқ этилиши мўлжалланмоқда. Фан, техника ва инновациялар, тиббиёт, таълим, транспорт хизматлари, йўл сектори, энергиянинг қайта тикланувчи манбалари шулар сирасидандир.

Ўзбекистон соғлиқни сақлаш тизимида етти йил фаолият юритганман, – деди Жаҳон банкининг ижтимоий лойиҳалар раҳбари Сусанна Айрапетян. – Шу боис давлат-хусусий шериклиги бу соҳада жуда ҳам керак, деган фикрдаман. Утган асрда юқумли касалликлар кўп бўлгани кузатил-

ган бўлса, айни вақтда сурункали касалликлар авж олмоқда. Шунингдек, туғилишнинг кўпайиши ва тиббиёт тизимида нарх-навонинг ошиши туфайли бу тизимни бошқариш турли мураккабликларни келтириб чиқаради. Бу жараёнда давлат-хусусий шериклик асқотади. Шу маънода Ўзбекистон билан ҳамкорлик қилиш, лойиҳаларни амалға оширишға тайёриймиз.

Ўзбекистонда амалға оширилаётган ислохотларда давлат-хусусий шериклигининг ўрни ва аҳамияти ошиб бормоқда, – дейди УАА муҳбириға Халқаро молия корпорациясининг Ўзбекистондаги ваколатхонаси раҳбари Зафар Хوشимов. – Айни вақтда ҳамкорлик доирасида бир нечта йўналишда иш олиб бораёпмиз. Навоий вилоятида қуёш электр станцияларини бошқаришда бу тажриба татбиқ этилмоқда. Жорий йилнинг ўртасига қадар эса гемодиализ тизимиға инвестиция жалб қилишни мўлжаллаб турибмиз.

Семинарда бу борада Туркия, Қирғизистон, Грузия тажрибаси хусусида сўз борди.

Семинарда Ўзбекистон Республикаси Бош вазирини ўринбосари А.Абдуҳақимов сўзға чиқди.

Сайёра ШОЕВА

ҲАМКОРЛИКНИНГ ЯНГИ ИМКОНИЯТЛАРИ

Президентимиз Шавкат Мирзиёев томонидан таълим соҳасида олиб борилаётган ислохотлар жараёнида халқаро ҳамкорликни кенгайтириш масаласига устувор аҳамият қаратилмоқда.

Таълим соҳаси мутасаддилари турли халқаро анжумаларда, форумларда фаол қатнашаётгани илгор технологиялар, методикаларни билим бериш жараёниға жорий этишда муҳим аҳамият касб этмоқда. Халқ таълими вазир Шерзод Шерматов бошчилигидаги Ўзбекистон делегацияси 21-25 январь кунлари Лондонда бўлиб ўтган Жаҳон таълим форумида иштирок этди.

Нуфузли форумда 100 дан зиёд давлатларнинг таълим вазирлари, соҳа мутахассислари иштирок этди. Унда таълим соҳасини ривожлантириш бўйича масалалар муҳокама қилинди.

Форум доирасида мамлакатимиз делегацияси билан бўлиб ўтган учрашувларда Президент Шавкат Мирзиёев бошчилигида Ўзбекистонда бошланган ислохотлар Буюк Британия таълим соҳаси вакилларида катта қизиқиш уйғотаётгани таъкидланди.

Буюк Британия таълим тизими мутасаддилари билан бўлган учрашувада

таълим сифатини ошириш ва мамлакатимизда инглиз тилини ўқитишни такомиллаштириш масалалари муҳокама қилинди.

Шунингдек, Ўзбекистон делегацияси Cambridge Assessment International Education, Bridge International Academies, Education First (Швеция) ва бошқа ташкилотлар вакиллари билан учрашувлар ўтказди.

Ҳамкорлар Ўзбекистонда инглиз тили ўқитувчилари билимини текшириш, дарс жараёнининг онлайн назорат платформасини, мутахассисларни инглиз тилиға онлайн ўқитиш тизимини жорий этиш ҳамда бошқа йўналишларда ҳамкорлик қилиш ниятини билдирди.

Ўзбекистон делегацияси Британия Кенгашининг "Таълим сиёсати бўйича мулоқот: ёшларимиз келажака қандай тайёргарлик кўраётми" мавзусидаги дастурда ҳам иштирок этди.

Н.УСМОНОВА

ИСЛОМ КАРИМОВ ХАЛҚИМИЗ ХОТИРАСИДА МАНГУ ЯШАЙДИ

Мамлакатимизда Ўзбекистон Республикасининг Биринчи Президенти Ислам Каримов таваллуди кунини муносабати билан хотира тадбирлари ўтказилди.

Президентимиз Шавкат Мирзиёев 30 январь куни Тошкент шаҳридаги Ислам Каримов номидаги илмий-маърифий ёдгорлик мажмуасига ташриф буюриб, Биринчи Президентимиз ҳайкали пойига гулчамбар қўйди.

Ислам Каримов мустақил Ўзбекистон давлатининг асосчиси, буюк давлат ва сиёсат арбоби, ўзбек халқининг улуг ва ардоқли фарзанди эди. У мамлакатимизни мустақил тузум қарамлигидан озод қилиб, ҳалокат ёқасига келиб қолган давлатни қайта тиклади. Оғир қийинчилик ва синовларға қарамай, тарихан қисқа даврда юртимизда тинчлик ва барқарорликни таъминлаб, мамлакатимизни изчил ривожлантаётган замонавий демократик давлатға айлантирди.

Биринчи Президентимиз ўзининг серқирра сиёсий фаолияти, олижаноб инсоний фазилатлари билан Ватанимиз тарихида ўчмас из қолдирди. Нафақат Ўзбекистон, балки жаҳон миқёсида катта ҳурмат ва обрў-эътиборға сазовор бўлди.

Мамлакатимизда Ислам Каримов хотирасига катта ҳурмат-эҳтиром кўрсатилмоқда. Давлатимиз раҳбарининг 2017 йил 25 январдаги "Ўзбекистон Республикасининг Биринчи Президенти Ислам Абдуганиевич Каримовнинг хотирасини абадийлаштириш тўғрисида"ги қарорига мувофиқ, бу борада кенг кўламли чора-тадбирлар амалға оширилди. Ислам Каримов номидаги Республика хайрия жамоат фонди тузилди. Тошкент давлат техника университети, Асака шаҳридаги автомобиль заводи, Фарғона шаҳридаги Санъат саройи, Тошкент халқаро аэропорти, Тошкент шаҳри, Қорақалпоғистон Республикаси ва вилоятлар марказларидаги кўчаларға Ислам Каримов номи берилди. Тошкент, Самарқанд ва Қарши шаҳарларида буюк Йўлбошчимизнинг ҳайкаллари ўрнатилди.

Ўзбекистон Республикаси Президентининг 2017 йил 27 ноябрдаги қарорига асосан 2018 йилда буюк давлат ва сиёсат арбоби Ислам Каримов таваллудининг 80 йиллиги мамлакатимизда кенг нишонланди.

Биринчи Президентимиз дафн қилинган Самарқанд шаҳридаги Ҳазрати Хизр мажмуаси ёнида улугвор макбара бунёд этилди. Бу ёдгорлик юртдошларимиз қадами узилмайдиган муқаддас зиёратгоҳға, ёшлар учун катта тарбия масканига айланди.

Президент Шавкат Мирзиёев шу кунни Самарқанд шаҳриға ҳам ташриф буюриб, ушбу макбарани зиёрат қилди. Қуръон тиловат қилинди.

Давлатимиз раҳбари ёдгорлик мажмуасини сақлаш, атрофини ободонлаштириш, зиёратчиларға қўшимча қулайликлар яратиш зарурлигини таъкидлади.

Шундан сўнг Самарқанд шаҳридаги Форумлар мажмуасида эҳсон оши берилди. Унда давлат ва жамоат ташкилотлари вакиллари, нуронийлар, зиёлилар, ёшлар иштирок этди.

Самарқанд Ислам Каримов ҳаёти ва фаолиятида алоҳида ўрин тутди. Биринчи Президентимиз ушбу қадимий шаҳарда туғилган, унинг ҳар томонлама ривожланишиға катта эътибор қаратган. Сохиқирон Амир Темур таваллудининг 660 йиллиги, Мирзо Улугбек таваллудининг 600 йиллиги муносабати билан бу ерда қатор бунёдкорлик ишлари амалға оширилган. 2007 йилда ЮНЕСКО шафелигида Самарқанд шаҳрининг 2750 йиллиги кенг нишонланган. Имом Бухорий, Бурҳониддин Марғиноний, Абу Мансур Мотуридий макбаралари, Шоҳи Зинда ёдгорлиги, Улугбек расадхонаси ва бошқа тарихий қадимжолар обод қилинган. Ўнлаб замонавий иншоотлар, хиёбонлар, фавворалар барпо этилган.

Кейинги йилларда Президентимиз Шавкат Мирзиёевнинг алоҳида эътибори билан бунёд этилган Ислам Каримов макбараси ва ҳайкали Самарқанддаги ана шу обод масканлар қаторига қутлуг қадамжол бўлиб қўшилди.

Шу кунни Самарқанд вилояти жамоатчилиги Регистон майдони яқинида ўрнатилган Ислам Каримов ҳайкали пойига гуллар қўйди.

Қарши шаҳрида ҳам буюк Йўлбошчимиз ҳайкали пойи гулларға бурканди.

Мамлакатимизнинг барча ҳудудларида Биринчи Президентимиз таваллуд кунига бағишланган маданий-маърифий тадбирлар, хотира кечалари ўтказилди.

ЎЗА



МАМЛАКАТИМИЗДА

● Сурхондарё вилоятида Ўзбекистон Республикаси Мудофаа вазирлигига қарашли ҳарбий қисмлар ҳарбий хизматчиларининг оила аъзолари чуқурлаштирилган тиббий кўрикдан ўтказилди. Жанубий операцион йўналиш бошқаруви, Термиз ҳарбий госпитали ва "Соғлом авлод учун" халқаро хайрия фонди вилоят филиали ҳамкорлигида жойларда ташкил этилган тадбир жа-

раёнида ҳарбий хизматчиларнинг аёли ва фарзандлари учун тиббий кўрик ташкил этилди.

● Фарғона вилояти Куvasой шаҳридаги "Кварц" акциядорлик жамиятида Хитойнинг "Shanghai Pony technology Co. Ltd" компанияси билан ҳамкорликда бир кечакундузда 400 тонна силлиқланган қурилиш ойнаси ишлаб чиқариш линиясининг қурилиш ишлари бошланди. Қиймати 70,2 миллион долларға тенг мазкур лойиҳани амалға ошириш натижасида йилиға қўшимча 22,2 миллион квадрат метр ойна листлари ишлаб чиқариш имконияти пайдо бўлади. Энг муҳими, қўплаб янги иш ўринлари яратилади.

● Қибрай туманида "Ўзбекистон Халқ демократик партиясининг энг фаол аёли"

республика кўрик-танловининг Тошкент вилояти босқичи бўлиб ўтди. Демократик ислохотларни янада чуқурлаштириш ва фуқаролик жамиятини ривожлантиришда хотин-қизларнинг фаол иштирокини таъминлаш, юксак сиёсий билим ва ташкилотчилик қобилиятиға эга хотин-қизларни аниқлаш ва рағбатлантириш, уларни партия тизимиға жалб қилиш мақсадида ташкил этилган танловнинг вилоят босқичида 18 нафар энг фаол хотин-қиз ўзаро баҳслашди.

● Андижон вилояти Асака туманида сувдан оқилона фойдаланиш, суғоришға илгор технологияларни жорий этиш, томчиллатиб суғориш технологиясини амалиётда қўллаш масалаларига бағишланган кўргазмали семинар бўлиб ўтди.



● Тасманияда ўрмон ёнғинлари тобора авжига чиқмоқда. Хавфли жойлардан минглаб одамлар эвакуация қилинмоқда, уларнинг вақтинчалик жойлашишлари учун чодирлар ва трейдерлар тайёрлаб қўйилди. Ёнғинни ўчириш учун сув олиш чоғида битта вертолёт қулаб тушган бўлса ҳам, экипаж аъзоларининг ҳаёти сақлаб қолинди.

● Миср пойтахти Қоҳира шаҳри марказида эллигинчи анъанавий халқаро китоб кўргазма-ярмаркаси бўлиб ўтмоқда.

● Болгариядаги Широка Поляна қўлида муз остида балиқ тутиш бўйича жаҳон чемпионати баҳслари бўлиб ўтди.

ИСТИҚБОЛЛИ ЛОЙИҲАЛАР, ЯНГИ ТАШАББУС ВА ҒОЯЛАР ХАЛҚИМИЗ ФАРОВОНЛИГИНИНГ АСОСИДИР

(Давоми. Боши 1-бетда)

Базальт арматурасининг металл арматурадан фарқи шундаки, у 8 баробар энгил, 3 баробар мустаҳкам, зангламайди, ўзидан электр токини ўтказмайди. Шунингдек, металл арматурадан 30 фоиз арзон ҳамда 100 йилгача ўз хусусиятини йўқотмайди. У минтақамизда ягона ва МДХ давлатларида иккинчи шундай корхонадир.

Давлатимиз раҳбари корхонадаги иш жараёнини кўздан кечирди. Бу ерда ишлаб чиқарилаётган маҳсулотлар сифатини янада ошириш, таннархини камайтириш, ҳажмини кўпайтириш борасида тизимли ишларни амалга ошириш юзасидан мутасаддиларга топшириқлар берди.

Президентимиз куннинг иккинчи ярмида Мирзачўл туманига келди.

Шавкат Мирзиёев Мирзачўл тумани Галаба маҳалласида "Обод қишлоқ" дастури доирасида амалга оширилган ишларни кўздан кечирди.

Чўлда жойлашган ушбу туман узок йиллар эътибордан четда қолиб кетган эди. Инфратузилма объектлари эскириб, одамлар турмушида қийинчиликлар юзага келганди.

Давлатимиз раҳбари ташаббуси билан "Обод қишлоқ" дастури қабул қилинган, қўллаб ҳудудлар сингари Галаба маҳалласи ҳам том маънода обод бўлди. Янги уй-жойлар, ижтимоий объектлар қурилди, йўл бўйлари ва майдонлар ободонлаштирилди. Бугун бу жойлар янги қиёфа касб этган.

Президентимиз ҳудуддаги "Мирзачўл тикувчилик мажмуаси" масъулияти чекланган жамиятида бўлди.

Маҳалла ҳудудида дастур доирасида собик пахта тозалаш корхонасининг бўш турган биноси реконструкция қилиниб, ушбу лойиҳани амалга ошириш учун 3 миллиард сўмлик қурилиш, таъмирлаш ва жиҳозлаш ишлари бажарилди.

Эски уйлاردан замонавий уйларга кўчиб чиққан оилалар уй бекалари ва касб-ҳунар коллежларини битирган қизлар "Тадбиркор аёл" уюшмаси кўмагида тикувчилик касбига қайта тайёрланиб, иш билан таъминланди.

Жамоа "Ўзбекпахтасаноат" тизимидаги ва бошқа корхоналарга шартнома асосида махсус кийимлар тикиб бераётир. Айни пайтда корхонада эркаклар ва аёллар учун жинси матосидан кийим-кечак ҳам тикилмоқда.

Мирзачўлини янада обод қилишга доир ишларни бундан кейин ҳам тизимли давом эттирамиз. Мақсадимиз одамларни рози қилиш, уларга муносиб турмуш шароити яратиш, деди Шавкат Мирзиёев.

Президентимиз Галаба маҳалласи Барокат кўчасида яшовчи Мақсуд Мисиров хонадонида бўлди. Хонадон эгаларини янги уй билан табриклади. Қайд этиш керакки, М.Мисировнинг турмуш ўртоғи Маърифат Хайдарова ва қизи Мохинур Меликулова "Мирзачўл тикувчилик мажмуаси"да меҳнат қилади. Улар яратилган замонавий шароитлар учун Президентимизга миннатдорлик билдирди.

Давлатимиз раҳбари Мирзачўл туманидаги Ўзбек – қозоқ миллий маданий маркази фаолияти билан танишди.

Мирзачўлда яшаётган қозоқ миллатига мансуб юртдошларимизнинг урф-одат ва анъаналарини асраши ва ривожлантириши учун зарур шароит яратилган. Хусусан, бу ерда Қозоқ миллий театри ташкил этилган. Яқинда театр биноси реконструкция қилиниб, кўркам иншоотга айлантирилди. Миллий чолғучилик, ашула, рақс, тасвирий санъат каби тўғараклар фаолияти йўлга қўйилди.

– Натижада 8 мингга яқин ўғил-қиз, шундан 3 мингдан зиёд мактаб, қолганлари лицей ва коллеж ўқувчиси таълим муассасаларига қайтарилди. Уларни спорт, факультатив тўғараклар, "Баркамол авлод" болалар маркази ва бизнес шохобчаларига жалб этиш чоралари ҳам кўрилди. Ички ишлар органларининг маҳалла фаоллари, Хотин-қизлар кўмитаси, Ёшлар иттифоқи, прокуратура ва бошқа органлар билан олиб борилган ҳамкорлиги натижасида 2018 йилда 2 минг 301 маҳаллада биронта ҳам жиноят содир этилмади. Умумий жиноятчилик эса 2018 йилда 2017 йилга нисбатан 33,5 фоиз камайди.

Озодликдан маҳрум этиш жойларидан озод қилиниб, ишламай юрган шахсларнинг 88 фоизи ишга жойлаштирилиб, уларнинг 24 фоизига моддий ёрдам кўрсатилиши натижасида муқаддам судланган шахслар томонидан жиноят содир этиш ҳолатлари 49,1 фоиз камайди. Барча ҳудудларда тергов ҳаракатларини аудио ва видео қайд этиш имконини берувчи замонавий тизимлар билан жиҳозланган 21 та махсус хона ташкил этилди.

Тергов ва вақтинча сақлаш ҳибсхоналари, махсус қабулхоналар, маъмурий қамқоқни ўташ жойлари, жазони ижро этиш муассасаларида сақланаётган шахсларнинг ҳуқуқ ва эркинликларини қафолатлаш мақсадида вақтинча сақлаш ҳибсхоналарига 1 минг 814, тергов ҳибсхоналарига 123, реабилитация марказларига 283 замонавий видеокузатув воситалари ўрнатилди.

Бундан ташқари, Ички ишлар вазирлигининг сайёр қабуллари ташкил этилиб, муаммолар ҳудуднинг ўзидан ўрганилмоқда.

Хуршид КОДИРОВ,
ЎЗА мухбири

Ўзбек – қозоқ миллий маданий марказининг ташкил этилгани халқларимиз ўртасидаги дўстликнинг ёрқин ифодасидир. Марказда маданий алоқаларни кучайтириш, ёшларни байналмилал дўстлик руҳида тарбиялашга алоҳида эътибор қаратилмоқда.

Президент мазкур театрнинг қайта тикланиши ва Ўзбек – қозоқ миллий маданий марказининг ташкил этилиши қардош халқларимиз ҳамжиҳатлигида муҳим аҳамиятга эга эканини алоҳида таъкидлади. Бу маскан ҳудуддаги ижодий, маърифий ташкилотларни, зиёиларни, ёшларни эзгу мақсад йўлида бирлаштириш зарурлигини қайд этди.

Ўзбек ва қозоқ халқлари санъатидан намуналар ижро этилди.

Шавкат Мирзиёев Мирзачўл туманидаги "Бинафша" давлат мактабгача таълим муассасасида яратилган шароитлар билан танишди.

2018 йилда "Обод қишлоқ" дастури асосида капитал таъмирланган боғча 280 ўринга мўлжалланган. Бу ерда болажонларнинг замонавий таълим-тарбия олиши учун барча шароит яратилди. Машғулот хоналари болаларни мактабга тайёрлашдаги энг илғор методикалар асосида замонавий инвентарлар билан жиҳозланган. Кичик спорт ва ўйин майдончаси қурилган. Турли интерфаол ўйинлар, ақлни чарлашга кўмаклашувчи жиҳозлар болаларда дастлабки билим ва кўникмаларни шакллантиришга хизмат қилади.

Мактабгача таълим тизимини ривожлантириш, фарзандларимизга яхши тарбия бериш доимий эътиборимизда бўлади. Боғчага борган боланинг соғлиғи мустаҳкам, дунёқарашини кенг, ўзига ишончи юқори бўлади, деди Шавкат Мирзиёев.

Президентимиз бу борадаги ишларни изчил давом эттириш, давлат ва хусусий боғчалар ташкил этиш орқали болалар қамровини кўпайтириш, шу билан бирга, таълим-тарбия сифатини ошириш зарурлигини таъкидлади.

Давлатимиз раҳбари Мирзачўл туманидаги кўп тармоқли марказий поликлиникани кўздан кечирди.

Айтиш керакки, мазкур тиббиёт муассасаси мамлакатимизда намунали кўп тармоқли марказий поликлиника сифатида иш бошлаган.

1976 йилда қурилган бу поликлиника биноси шу кунга қадар капитал таъмирланмаган эди. "Обод қишлоқ" дастури асосида муассаса учун янги бино қурилди. 250 катновга мўлжалланган поликлиникада 100 дан зиёд иш ўрни яратилди.

Замонавий тиббий жиҳозлар билан таъминланган поликлиникада жарроҳ, педиатр, УТТ шифокори, стоматолог, терапевт, ЛОР, офтальмолог, травматолог, невропатолог, психиатр каби мутахассислар аҳолига тиббий хизмат кўрсатади.

Кўп тармоқли марказий поликлиника "Саломатлик-3" лойиҳаси доирасида велоэргометр, гастродиброскоп, рақамли рентген, УТТ аппарати, биохимик анализатор, автоклаф, центрифуга, ЭКГ, стоматологик жамланма, аудометр, автарефрактометр каби тиббий асбоб-ускуналар билан жиҳозланган.

Янги бинода аҳолига янада қулайлик яратиш мақсадида электрон рўйхатга олиш тизими жорий қилинди. Аёллар маслаҳатхонаси, кундузги стационар, ижтимоий дорихона фаолияти йўлга қўйилди.

Президентимиз поликлиникадаги шароитларни кўздан кечирар экан, аҳолини касалликлар профилактикаси билан тўлиқ қамраб олиш, одамлар бошқа жойга даво излаб бориб овора бўлмаслиги кераклигини таъкидлади. Аҳолига сифатли тиббий хизмат кўрсатиш, шифокорлар малакасини ошириш юзасидан зарур тавсиялар берди.

Давлатимиз раҳбари янги қурилган Мирзачўл тумани Давлат хизматлари марказида бўлди.

Бундан тўққиз ой олдин мазкур марказ ўрни ташландиқ жой бўлган, ўтган қисқа вақтда замонавий марказ биноси қад ростлади, қурилиш ва бунёдкорлик ишларига 5 миллиард 740 миллион сўм маблағ сарфланди.

Марказ бир кунда 200-250 мижага хизмат кўрсатиш имкониятига эга. Эндиликда бу ерда тадбиркорларни рўйхатдан ўтказиш, нотариус, ФХД бўлими, паспорт бериш ва алмаштириш каби 103 хизмат тури кўрсатилади. Шунингдек, марказда кутубхона, никоҳдан ўтувчилар учун тантаналар зали, инвесторлар хонаси ташкил қилинган, бундан ташқари, ҳайдовчилик гувоҳномасини расмийлаштириш учун энг сўнгги ускуналар билан жиҳозланган.

"Фуқаролар эмас, ҳужжатлар ҳаракатланади" тамойилига мувофиқ, янги тизим Президентимизнинг "Халқ давлат идораларига эмас – давлат идоралари халқимизга хизмат қилиши керак", деган эзгу ғоясини сўзсиз амалга оширишга хизмат қилмоқда.

Давлат хизматлари фаолиятининг йўлга қўйилиши фуқароларнинг ҳам вақти, ҳам маблағини тежашга хизмат қилади. Аҳоли томонидан қилинаётган ҳар бир мурожаат эътиборда бўлади, деди Шавкат Мирзиёев.

Давлатимиз раҳбари "Мирзачўл текс" МЧЖ фаолияти билан танишди.

Корхона фаолияти уч босқичли лойиҳа асосида йўлга қўйилди. Биринчи босқич 2018 йил декабрь ойида ишга туширилган. Хитой, Туркиядан 100 дона тикув дастгоҳи келтирилиб ўрнатилди. Айни пайтда бу ерда импорт ўрнини босувчи экспортбоп маҳсулотлар, хусусан, жинси шимлар тикилмоқда. 70 дан зиёд хотин-қиз иш билан таъминланган.

Лойиҳанинг 2-босқичида жинси мато тўқиш йўлга қўйилди ва 240 иш ўрни яратилди. 3-босқичида калава ип йигирув амалиёти ишга туширилди. 2021 йилгача корхона тўлиқ қувват билан ишлаши кутилмоқда. Бу туманда 800 га яқин иш ўрни яратиш имконини беради.

Шавкат Мирзиёев корхона фаолиятига доир зарур кўрсатмаларни берди. Хотин-қизларни иш билан таъминлашга доимий эътибор қаратиш зарурлигини таъкидлади.

Шу ернинг ўзида вилоятни ижтимоий-иқтисодий ривожлантириш лойиҳалари тақдироти бўлиб ўтди. Хусусан, мамлакатимизнинг Россия Федерацияси, Франция ва Беларусь Республикаларидаги элчиҳоналари томонидан вилоятга жалб қилинган инвестициялар тақдироти ўтказилди, шунингдек, Жанубий Корея, Туркия, Ҳиндистон, Хитой каби давлатлардан келган инвесторлар ўз лойиҳалари ҳақида давлатимиз раҳбарига сўзлаб берди.

Тақдиротга кўра, россиялик инвесторлар ёритиш ускуналари, автомобиль эҳтиёт қисмлари ишлаб чиқариш, қишлоқ ҳўжалигига замонавий технологияларни жорий этиш, франциялик ишбилармонлар эса архитектура ойналари ишлаб чиқариш, мевани қайта ишлашга қизиқиш билдирмоқда. Шунингдек, Францияга анор, қовун, қизилмия илдизини экспорт қилиш режалаштирилган.

Президентимизнинг Жиззах вилотидаги ташрифи давом этмоқда.

Умар АСРОРОВ,
Зиёдулла ЖОНИБЕКОВ,
Ўлбег АСРОРОВ,
ЎЗА махсус мухбирлари

Туман адлия бўлиmlарининг асосий вазифаси Ўзбекистон Республикаси Президентининг 2018 йил 13 апрелдаги "Давлат ҳукуқий сиёсатини амалга оширишда адлия органлари ва муассасалари фаолиятини тубдан такомиллаштириш чора-тадбирлари тўғрисида"ги Фармони ва тегишли қарори билан тасдиқланган Ўзбекистон Республикаси Адлия вазирлиги тўғрисидаги низомга асосан ўз ваколатларини юқоридаги низомга асосан белгиланган 7 та йўналишда амалга оширади.

ФАОЛИЯТИМИЗДАГИ ШАФФОФЛИК – АСОСИЙ МЕЗОНИМИЗДИР

Шайхонтоҳур туман Адлия бўлими томонидан ҳам тизимли ишлар амалга оширилиб келинмоқда. Хусусан, 2018 йил давомида инсон манфаатлари ҳамма нарсадан устун деган шиор остида аҳолидан келган 16 шикоятнинг 12 тасида кўрсатилган масала ихобиий қаноатлантирилиб, 4 тасига ҳуқуқий тушунтириш берилди.

Шунингдек, фуқаролардан 283 та ариза қабул қилиниб, 258 таси ҳал этилганини алоҳида таъкидлаш жоиз. Айнан аризаларнинг 160 таси қаноатлантирилган, 12 таси ҳисобот даврида қолдиқ бўлиб ўтган, 10 таси тегишлилиги бўйича юборилган, 86 тасига ҳуқуқий тушунтириш берилган, 3 таси кўрмасдан қолдирилган, 12 таси рад этилган, 31 та мурожаат жойига чиқиб қабул қилинган, шундан 133 таси шахсий қабул вақтида келиб тушган мурожаатлардир.

Бундан ташқари, фуқаролардан адлия бўлимига "Ишонч телефони"дан 14 та мурожаат келиб тушди. Мурожаатларнинг 12 таси ҳал қилинган, 9 таси қаноатлантирилган, 3 тасига ҳуқуқий тушунтириш берилган.

Адлия бўлими томонидан қонунчиликни такомиллаштиришга берилган тақлифлар сони 10 тани ташкил қилди.

Маҳаллий давлат ҳокимияти органлари томонидан ҳуқуқий экспертизадан ўтказиш учун киритилган ҳужжат лойиҳалари 2 та. Шундан, халқ депутатлари туман, шаҳар Кенгаши қарор лойиҳалари 1 та, туман, шаҳар ҳокимлари қарор лойиҳалари 1 тани ташкил этди.

Бўлим томонидан судларга 10 та даъво аризаси киритилган, 9 та фуқаролик, 1 та

маъмурий судга. 861.240 сўм миқдоридagi сумма фуқаро фойдасига ўндирилган. 9 та кассация тартибидида шикоят аризалари киритилган.

Бундан ташқари, 11 та ўрганиш ва 20 та мониторинглар орқали 47 та ташкилот фаолияти таҳлил қилинган. Жами аниқланган қонун бузилиш ҳолатлари сони 5520 тани ташкил этади. Бу борада юқори кўрсаткичлар сони соғлиқни сақлаш муассасалари 2128, таълим муассасалари 1525 тани ташкил қилади.

Ўтган йили амалга оширилган ишлар сирасига бўлим томонидан 38 та тақдимнома киритилган, унинг 35 тасини ижроси таъминланганини киритиш мумкин. Натижада 37 та ҳодимга интизоимий жазо чораси қўлланилган, 3 та ҳодим билан меҳнат шартномаси бекор қилинган. Тақдимнома натижасида қайтарилган суммалар 14527384 сўмни ташкил этади.

Жами 428 та тарғибот тадбирлари ташкил қилиниб, 319 та тарғибот оғзаки шаклда ўтказилган ва уларда 11 616 киши қамраб олинди. Аҳолининг ҳуқуқий онги ва маданиятини ошириш бўйича мунтазам равишда ОАВларда чиқишлар қилинди. Бу каби тарғибот тадбирлар ва бу борадаги ишлар узлуксиз давом эттиришга алоҳида аҳамият берилмоқда.

Ф.АКБАРОВ,
Шайхонтоҳур туман адлия бўлими бошлиғи,
С.РАҲМОНОВ,
Шайхонтоҳур туман адлия бўлими етакчи маслаҳатчиси

ТАДБИРКОРЛАР БИЛАН САЙЁР УЧРАШУВ

Тошкент шаҳар Божхона бошқармасининг "Тошкент-товар" ташқи иқтисодий фаолият божхона постида мамлакатимизда маҳаллий ишлаб чиқарувчилар, шу жумладан экспорт билан шуғулланувчи тадбиркорлик субъектларини қўллаб-қувватлаш бўйича амалга оширилаётган ишлар, қонунчиликка киритилаётган ўзгаришлар мазмун-моҳиятини етказиш, шунингдек, тадбиркорликни ривожлантириш борасида дуч келинаётган муаммолар ва уларни бартараф этишга қаратилган тақлифларни ўрганиш мақсадида навбатдаги сайёр учрашув ўтказилди.

Учрашув аввалида бошқарма бошлиғи ўринбосари З.Сангинов бугунги кунда ташқи иқтисодий фаолият қатнашчиларига божхона соҳасида яратилаётган қулайликлар тўғрисида тўхталиб ўтди.

Тадбирда божхона бошқармаси масъул ходимлари томонидан сўнгги бир йил давомида ишлаб чиқариш ва маҳсулотлар экспортини қўллаб-қувватлаш, иқтисодиётни эркинлаштириш, божхона процедураларини соддалаштиришга оид қабул қилинган Президент фармонлари ва қарорлари, шунингдек, уларнинг ижроси юзасидан давлат божхона кўмитаси ва бошқарма томонидан амалга оширилаётган ишлар хусусида батафсил маълумотлар берилди.

Божхона соҳасида тадбиркорларга яратилган қулайликлар ва энгилликлар ҳақида сўз кетар экан Президентимизнинг 2018 йил 17 октябрдаги "Мева-сабзавот маҳсулотларини ташқи бозорларга чиқариш самарадорлигини оширишга доир кўшимча чора-тадбирлар тўғрисида"ги қарори хусусида алоҳида тўхталиб ўтиш жоиздир. Мазкур ҳужжат билан эндиликда экспорт қилинадиган мева-сабзавот маҳсулотлари божхона кўригидан ўтказилмаяпти.

Маълумки, 2018 йилда мамлакатимиз божхона қонунчилигида ҳам бир қатор муҳим ўзгаришлар амалга оширилди. Жумладан, Ўзбекистон Республикасининг Божхона кодексида киритилган ўзгариш ва қўшимчаларга кўра эндиликда божхона брокери ўз фаолиятини тегишли рухсатнома олмастан туриб амалга ошириш мумкинлиги белгиланди.

Шу билан бирга, ташқи иқтисодий фаолият қатнашчиларига божхона расмийлаштируви бўйича операцияларни амалга оширишда ҳуқуқларни доираси янада кенгайтирилди. Таъкидлаш жоизки, айни пайтда янги таҳрирдаги Ўзбекистон Республикаси Божхона кодексининг лойиҳаси устида ишлар амалга оширилмоқда.

Шунингдек, Ўзбекистон Республикасининг "Давлат божхона хизмати тўғрисида"ги қонуни янги таҳрирда қабул қилинди. Қонуinning асосий мақсади давлат божхона хизмати органлари фаолиятини тартибга солишга қаратилган.

Тадбир давомида замонавий ахборот коммуникация-технологияларини жалб этиш орқали божхона органлари фаолияти, хусусан экспорт ва импорт расмийлаштирувлари чоғида очкилик ва шаффофликни таъминлаш, шу билан коррупция ва тамагирилик каби салбий иллатларнинг олдини олишга эришиш, божхонага доир тартиб-таомилларни янада соддалаштирган ҳолда фуқаро ва тадбиркорларнинг мурожаатларини "бир дарча" тамойили асосида қабул қилишни ташкил этиш борасида амалга оширилаётган ишлар юзасидан ҳам тушунтиришлар берилди.

Сайёр учрашувда божхона назорати ва расмийлаштируви, экспорт-импорт жараёнларида юзага келаётган муаммолар, уларни бартараф этиш йўллари, коррупция ва бошқа салбий ҳолатларга қарши курашиш масалалари кўриб чиқилди.

Шунингдек, масъул ходимлар томонидан тадбиркорлик субъектларини қизиқтирган барча саволлар бўйича батафсил маълумотлар берилди.

Учрашув сўнггида бошқарма бошлиғи ўринбосари З.Сангинов тизимда ҳар қандай кўринишдаги коррупция он хатти-ҳаракатларга қарши курашиш ва уларнинг олдини олишда жамоатчилигининг фаол кўмаги зарурлиги, бунга биргаликда кураш олиб бориш кераклиги ҳақида алоҳида тўхталиб. Бу каби масалалар билан Давлат божхона кўмитасининг узлуксиз 24 соат давомида "1108" қисқа рақамли "Ишонч телефони" ёки бошқарманинг 120-76-76 рақамли телефонлари орқали бевоссита бошқарма раҳбарияти ҳамда тегишли тарқибий тузилмаларига мурожаат этишлари мумкинлиги айтиб ўтилди.

Зиёда РАСУЛОВА

ҚИСҚА САТРЛАРДА

- **Пойтахтимизда Шанхай ҳамкорлик ташкилатининг Халқ дипломатияси маркази ташкил этилди.**
- **2 февралда Тошкент шаҳар ҳокимлигида навбатдаги "Инвестор куни" бўлиб ўтади.**
- **"Туркистон" саройида Ўзбекистон давлат филармонияси таркибидаги "Лаззи" ашула ва рақс ансамблининг жонли ижросида концерт бўлиб ўтди.**
- **Тошкент темир йўл муҳандислари институтида "Темир йўл соҳасини инновацион ривожлантириш истиқболлари" мавзусида давра суҳбати ўтказилди.**
- **Ўзбекистон ёшлар иттифоқида "Республика ёш олимларининг инновацион лойиҳалари" грант танлови ғолибларининг илмий ишланмалари тақдимоти уюштирилди.**
- **Ўзбекистон матбуот ва ахборот агентлигида мамлакатимизда экологик муҳитни янада яхшилаш, атроф-муҳитни муҳофаза қилиш масалалари юзасидан матбуот анжумани ташкил этилди.**
- **Пойтахтимизда "Ижтимоий фикр" жамоатчилик фикрини ўрганиш марказининг 2018 йил сарҳисоби ва жорий йилдаги иш режасига бағишланган мажлиси ўтказилди.**
- **Туризмни ривожлантириш давлат кўмитасининг Ўзбекистонда туризм соҳасида амалга оширилган ишлар сарҳисоби ва яқин келажак учун прогнозлар тўғрисида йиғилиши бўлиб ўтди.**

